



XUNTA
DE GALICIA

CONCELLO
DE VIGO



CONSORCIO
GALEGO
de Servizos de Igualdade e Benestar

galicia

ADDENDA AO CONVENIO DE COLABORACIÓN ASINADO O 30.11.2017 ENTRE O CONSORCIO GALEGO DE SERVIZOS DE IGUALDADE E BENESTAR E O CONCELLO DE VIGO PARA O DESENVOLVEMENTO DO PROGRAMA XANTAR NA CASA NO CONCELLO DE VIGO

REUNIDOS

Doutra parte, D. Perfecto Rodríguez Muíños, na súa condición de xerente do Consorcio Galego de Servizos de Igualdade e Benestar, segundo nomeamento do seu Comité Directivo do 12.11.2015 (DOG núm. 221, do 19 de novembro), mediante delegación de sinatura, do 30.11.2020 da Presidenta do Consorcio Galego de Servizos de Igualdade e Benestar D^a. Fabiola García Martínez, e en virtude do previsto no artigo 13 dos Estatutos do Consorcio (DOG núm. 131, do 07.07.2006) de conformidade coas atribucións que lle encomendan os artigos 18 e demais concordantes dos referidos estatutos.

Doutra parte, D^a Yolanda Aguiar Castro, na súa condición de Concelleira-Delegada de Política de Benestar Social do Concello de Vigo, de acordo cos Decretos do Alcalde – Presidente do 18.6.2019, de estruturación dos servizos corporativos municipais e delegación de competencias xerais e do 26.6.2019, de delegación de competencias específicas nos/as concelleiros/as delegados/as de Área (Apdo. Terceiro, Punto 5).

Ambas as dúas partes, no nome e representación que ostentan e coa capacidade legal para este acto

EXPOÑEN

I.- Que con data do 30 de novembro de 2017 o Consorcio Galego de Servizos de Igualdade e Benestar e o Concello de Vigo asinaron un novo convenio de





XUNTA
DE GALICIA

CONCELLO
DE VIGO



CONSORCIO
GALEGO
de Servizos de Saúde e Benestar

galicia

colaboración para o desenvolvemento do programa Xantar na Casa no Concello de Vigo, cunha vixencia temporal de catro (4) anos.

II.- Neste convenio as partes acordaron continuar coa realización do programa “Xantar na Casa” no Concello de Vigo, regulando o marco de colaboración para o seu desenvolvemento.

III.- En diferentes conversas mantidas entre as partes asinantes do convenio, púxose de manifesto que o número máximo de persoas beneficiarias do Programa previsto no convenio en vigor (120) resulta claramente insuficiente para respostar á demanda deste servizo de comida a domicilio para a cidadanía viguesa que o está a demandar. Este desaxuste precisa ser corrixido, sendo esta a razón pola que se propón a tramitación dunha Addenda ao convenio.

As partes acordan que o número de persoas beneficiarias do Programa “Xantar na Casa” para o Concello de Vigo sexa, a partir do 3 de abril de 2020, de ata un máximo de 200 (duascentas), susceptible de ser incrementado por acordo de ambas as dúas partes.

Tendo en conta esta situación as partes, no nome e representación en que concorren e con capacidade legal para este acto, realizan a presente addenda e

ACORDAN

CLÁUSULAS

Primeira. Modifícase a cláusula terceira do convenio de colaboración asinado o 30.11.2017, manténdose en vigor a mesma redacción da totalidade das demais cláusulas do convenio orixinal.





XUNTA
DE GALICIA

CONCELLO
DE VIGO



CONSORCIO
GALEGO
de Servizos de Igualdade e Benestar

galicia

A cláusula TERCEIRA queda redactada como segue:

TERCEIRA.- INCLUSIÓN DE PERSOAS BENEFICIARIAS NO PROGRAMA

O Concello facilitará ao Consorcio, tras a correspondente avaliación dos Servizos Sociais municipais e aprobación polo órgano competente municipal unha relación dun máximo de 200 futuras persoas beneficiarias do programa, con indicación dos domicilios onde debe efectuarse a entrega, o teléfono de contacto e, no seu caso, a persoa responsable de servir a comida á persoa beneficiaria. Unha vez iniciada a prestación do servizo, o Concello comunicará ao Consorcio as altas ou baixas das persoas beneficiarias do mesmo nun prazo non superior a 15 días desde o momento en que estas se produzan.

O número máximo de persoas beneficiarias do programa poderá ser modificado por acordo das partes, mediante a sinatura da correspondente addenda de modificación do convenio, atendendo ás necesidades detectadas e á existencia de crédito adecuado e suficiente no orzamento das partes asinantes para financiar as obrigas derivadas do mesmo.

Segunda.- A presente addenda estenderá os seus efectos desde o 3 de abril de 2020, e estará en vigor durante a vixencia do convenio asinado entre as partes o 30 de novembro de 2017.

E en proba de conformidade cos termos do convenio, as partes comparecentes asínano e rubricano por triplicado exemplar no lugar e data abaixo indicados

Santiago de Compostela, na data da sinatura dixital

O XERENTE DO CONSORCIO GALEGO
DE SERVIZOS DE IGUALDADE E
BENESTAR

A CONCELLEIRA DELEGADA DE
POLÍTICA SOCIAL DO CONCELLO
DE VIGO

Perfecto Rodríguez Muíños

Yolanda Aguiar Castro

